

I takoto ano etahi korero nui ki te aroaro o te Komiti whakaatu mo nga whakahaere a te Kooti Whenua Maori, me nga kino e puta ana i roto i nga whakahaere whenua Maori o tenei takiwa. E mea ana tenei Komiti me perehi enei korero.

E whakaaro ana tenei Komiti ko te huarahi pai ano tera ko ta nga Kaiwhakawa o mua, ara, ka whakatau ana ratou e ata whakaaturia ana ano nga take i whakataua ai, kia marama ai ki te katoa i haere te whakataunga i runga i te ture raua tahi ko te tika; na ko tenei e pouri ana te Komiti i runga i to ratou kore kaha ki te ki he tika he he ranei nga korero o te pitihana, i te mea hoki kihai nga Kaiwhakawa nei i whakaatu i nga putake i turakina ai te kai-pitihana hei mohiotanga ma te Komiti.

Na i te mea tera ano pea ka hanga he ture mo enei tu keehi me whakahau te Kawanatanga kia whiriwhiri i tenei keehi me kore e taea te whakauru atu ki roto ki nga mea e whiriwhiria mai nei e ratou.

3 Akuhata, 1883.

ROBERT TRIMBLE, Tiamana.

---